

北方建斗呪

北方霹靂使者雷公大神建斗執旗滅惡除
形拘天有敕速下帝庭五嶽四瀆隨我斗行
獨遊天地萬神奉行

昏天斗壁呪

昏天地祛雷閃電運斗樞分裂乾坤有雷將
三十六百隨三台列曜而行摧日神徑下滄
海召太陰倒海歸源變神通鬼神滅跡迭五
臺裂魄分形
道法會元卷之一百四十

道法會元卷之一百四十一

西二

太一天章陽雷霹靂大法

傳度朝儀

各禮師存念如法

衛靈呪

五星列照 煥明五方 水星却災 木德致昌
榮感消禍 太白辟兵 鎮星四據 家國利亨
名刊玉簡 字錄帝房 東籙散景 飛騰太空
出入冥無 遊宴十方 五雲浮蓋 招神攝風
役使萬靈 上衛仙翁 與道合真

鳴法鼓二十四通

无上三天玄元始三炁太上道君召出巨身
中三五功曹左右官使者侍香金童傳言玉
女五帝直符直日香官各三十二人出出者
嚴裝開啓玄壇天帝神君當召此間土地里
域真官正神急上關啓臣謹奉為入傳度意
今者關盟五帝立誓三官普告十方徧闢三
界嗣行大法救濟群生庶不昧於初心示有
求而必應其諸情悃具載心詞願得十方正
真生炁下降流入臣身中今臣所啓速達徑

御至真無極大道昊天玉皇上帝正元雷祖
轟天大帝御前

各稱法位

具位臣某與嗣法弟子合壇官衆謹運真香
同誠上啓

玉清上帝元始天尊上清大帝靈寶天尊太
清大帝道德天尊昊天玉皇上帝紫微北極
大帝勾陳星宮天皇大帝正元雷祖轟天大
帝青陽勸令救苦上帝后土皇地祇太初行
令大帝掌法聖后太一碧玉大帝五方五
老帝君五方轟天雷帝主雷九位真君九天
採訪文人真君上清十一大曜都天霹靂太
一十大星帥五福十神太一真君北斗九皇
星君二十八宿星君三元三官大帝北極四
聖真君靈寶五師真君天章大法歷代傳教
師君水府扶桑大帝太一飛烈七十二將雲
雷兩部殺伐威神地府大帝五嶽聖帝城隍
社令三界萬靈醮筵列聖伏闕太極未分始
函三於混沌兩儀既判期得一以清寧非常
道而非非常名統无形而統无炁上則幹旋於

七政俯焉宰制於群生彼蒼者天默運大鈞之化惟皇上帝廣開衆妙之門論其體則固其形聲稽其應則速如影響視之不見孰知恍惚之中感而遂通可達者冥之外巨等夙生慶幸叨遇法門參寶籙於玉洞瑤壇奉承開度沐玄津於華池丹沼素潔熏修誓佩服於符章永行持於道法濟人利物廣立玄功既有皈投理難抑塞爰有青詞謹當宣奏

宣詞

按如詞旨理宜敷奏志心奉法心切利人益以嗣法弟子某人性本顯蒙生為假借已蒙師友大開汲引之方許受符文廣賜梯升之路誓永遵於妙訓敢或替於中誠於是發露丹衷皈依洪造肅嚴法席羅列信儀香裊清煙馥郁遍聞於三界燭搖紅影焚煌普照於十方瞻碧落以傾心望太虛而稽首以今陞壇行道請法衆等運茲初捨上香願此香烟騰空徑上供養
玉清聖境清微天中虛元自然元始天尊高上玉皇上帝七寶玄臺洞真九聖諸天上帝

列曜群真五帝法師三官四聖十方衆真巨等皈身皈神皈命大道首體投地仰依太上三尊十方衆聖願以是功德上祝當今皇帝功侔軒昊德繼商周延寶祥於元疆納群生於大道臣僚仰佐文武允修四海九圍車書混一今故燒香皈依師尊大聖衆至真之德得道之後保天長存和與道合真

伏聞強名曰道元從道以為先妙物者神示有神而無屈凡伸皈嚮必符鑒觀以今陞壇行道請法衆等運茲三捨上香願此香烟騰空徑上供養
上清真境禹餘天中高聖玉晨玄皇大道玉虛上帝蕊珠宮闕洞玄九真三界高真諸府諸司主法真君驅邪院使真君經籍度三師真君臣等皈身皈神皈命大道首體投地仰依太上三尊十方衆聖願以是功德歸流嗣嗣法弟子某家九世魂儀七先神識新亡速化一切幽靈伏望升陞仙都超離惡趣出愛河之濁浪泛苦海之慈航徘徊於七寶宮臺

娛樂於三清洞闕垂休大族流慶高門今故燒香皈依師尊大聖衆至真之德得道之後均證道遙和與道合真
伏聞九清尊帝居金闕以凝神萬聖道君會玉京而說法隨機設教濟物利人以今陞壇行道請法衆等運茲三捨上香願此香烟騰空徑上供養

太清仙境太赤天中元極大道太上老君混元上德皇帝璇霄紫極洞神九仙天官一切神仙海嶽靈山得道神仙洞宮主宰與醮羣真臣等皈身皈神皈命大道首體投地仰依太上三尊十方衆聖願以是功德歸流嗣嗣法弟子某五姻九族長幼男女内外宗枝親疎眷屬伏願益隆壽紀茂衍慶源永保千祥長臻五福泊手弟子某學道證無為之化求仙獲離俗之鄉玉簡書名契天心之覆育丹臺紀姓升上品之仙階今故燒香皈依師尊大聖衆至真之德得道之後永享和平和與道合真

禮方 懺悔

臣衆等志心皈身皈神皈命

十方無極大道靈寶天尊以今行道朝元焚香禮懺臣聞雲篆靈文玉函祕訣傳之則盟天告地度之則歃血飲丹功能輔於國家澤

可需於民庶吉人受度則保命以延生上士奉行則乘空而御炁欲以造幽微之域必先

盡懺悔之誠伏念弟子某積生以來至于今日三業牽纏六情榮染故殺誤傷害他益已

上違三光五行乾元之本下犯五嶽九州坤厚之儀或乖仁義之風或失慈儉之道曾無

覺悟旋積過尤耽耽繁華不知紀極貪傷物命暴殄生靈不知敬奉於高真每自縱違於

五戒妄言自肆偷盜自欺動有百愆舉無片善尚慮奏名北府奪算南宮隱則有星曜以

照臨顯則有雷霆而震怒心雖先於悔省理或後於懺陳惟冀積愆豁然蕩釋是故皈依

師寶參受靈文改從前已作之非冀開後自新之路上告諸天證明傳度下告五嶽洞鑿

參明伏乞上帝垂慈錫恩光於小兆衆真監

度賜道炁於厥躬將吏扶持轉法輪於不已鬼神攝伏伏天法以昭明千愆萬罪宿對惡緣並賴洪濛一時原宥然後禍沉九地福起十方志心稽首禮謝

无上正真三寶

命魔 步虛

三啓三禮 重稱法位

具法位臣姓某與嗣法弟子同壇法衆謹重誠上啓

玉京上聖瓊闕玄尊三界高真一切仙衆臣伏聞九清八極非色相之可交三界十方惟

信誠之是格專心罄志若影從形嗣法弟子某宿命合真幸探玄奧上清秘旨示衆妙之

法門考召靈文顯重玄之闡域既能仄心滅念絕智輪光勇棄塵紛出離俗惡欲以建功

積行制鬼佑人伏願玄穹上聖丹闕高真持回日月之光俯降雲雷之澤積生過咎累世

愆非處之可赦之鄉開厥自新之路廣垂濟度盡賜光輝於道有緣與善合契聞法之後

長享自然上願乾坤交泰日月光華國祚永

昌生靈蒙佑則上明天尊大慈之澤下副臣等丹禱之誠謹啓以聞

十二願

復爐

香官使者左右龍虎君侍者諸靈官當令臣

朝奏之所自然生金液丹碧之英百靈衆真交會在此香火爐前令臣得道克獲上仙願

嗣法某學道得道求仙得仙十方仙童玉女接待香烟傳臣向來奏啓之誠速達徑御

太上無極大道至真玉皇上帝御前

五方懺儀

東方

臣等伏聞號出轟天奉雷霆之敕命職司震位秉太一之威權凡伸皈嚮之誠必荷甄陶

之賜今謹有嗣法弟子某曩因宿愆叨與最靈不量愚鄙之軀恪慕法官之職獲承師旨

付授靈文深慮立身以來受法之後行符咒水未合聖機拙步置有乖法則或修崇之

怠惰或存念之踈違戰汗撫躬退量鄙陋復慮誤犯滅削他人飲食之罪故為輕重斗秤

之愆莫逃紀錄之公但切水淵之懼即日對
 三光而設誓列九祖以為盟肘安膝行飯依
 師寶心濃望切願達真靈顯揚清靜之風永
 奉玄元之教代天行化助國救民是用然燈
 燒香建壇行道修齋設醮備罄飯依軟血飲
 丹告盟傳度皈命懺悔仰謝東方安寶華林
 九炁天君主雷金華真人青靈侍衛臺都天
 太一一切神仙和諸靈官伏願天恩溥博聖
 澤涵洪削罪錄於黑書注姓名於青簡降神
 光於發生之府下雷將於霹靂之壇輔佐行
 持克符願念轟雷起雨應乎呼吸之間破廟
 驅邪立在須臾之頃無物不歸於鼓索有生
 皆被於陶甄魔試消糜神靈叶贊得道之後
 升入无形和上與太一合同自然

南方

臣等伏聞統位赤天掌效星之墜世司權案
 然勸魁鬼之害人凡伸飯嚮之誠必荷甄陶
 之賜今謹有進法弟子某生逢幻世長沐浴
 風雖佩服於符章曾未探於玄妙幸承師旨
 傳度靈文深慮立身以來得法之後行符呪

水未合聖機拍訣安置有非法則或修崇之
 怠惰或存念之踈違戰汗撫躬退量鄙陋復
 慮誤犯斤兩瞞人之罪故違強梁壓眾之愆
 莫逃紀錄之公但切水淵之懼即日對三官
 而設誓列九祖以為盟肘安膝行飯依師寶
 心濃望切願進真階顯揚清靜之風永奉玄
 元之教代天行化助國救民是用然燈燒香
 建壇行道修齋設醮備罄飯依軟血飲丹告
 盟傳度皈命南方梵寶昌陽三炁天君主雷
 火輪真君赤明流晶臺都天太一一切神仙

和諸靈官伏願天恩廣大聖澤涵濡赦罪錄
 於黑書注姓名於丹簡降神光於陽明之府
 下雷將於霹靂之壇輔佐行持克符願念轟
 雷起雨應乎呼吸之間破廟誅邪立在須臾
 之頃無物不資於陶冶有生皆賴於全成魔
 試消糜神明叶贊得法之後升入無形和上
 與太一合同自然

西方

臣等伏聞位極金天掌神龍之過惡秉權玉
 兔主穢瀆之威靈凡伸懇禱之誠必荷昭彰

之應今謹有進法弟子某宿生慶幸獲處人
 倫敢將螻蟻之身濫廁神仙之職獲承師匠
 畀付靈文深慮立身以來受法之後行符呪
 水未合聖機拍訣安置有非法則或修崇之
 怠惰或存念之踈違戰汗撫躬不勝震悚復
 慮悞犯拋擲污穢之罪故縱孽牲踐食之愆
 莫逃紀錄之公但切水淵之懼即日對三光
 而設誓列九祖以為盟肘安膝行飯依師寶
 心濃望切願進真階顯揚清靜之風永奉玄
 元之教代天行化助國救民是用然燈燒香

建壇行道修齋設醮備罄飯依軟血飲丹告
 盟傳度皈命西方七寶金門七炁天君主雷
 元命真君皓靈裂尸臺九天太一一切神仙
 和諸靈官伏願天慈廣大聖澤包容赦罪目
 於黑書注姓名於金簡降神光於崑崙之府
 下雷將於霹靂之壇輔佐行持克符願念轟
 雷起雨應乎呼吸之間破廟除邪立在指揮
 之頃魔精喪眼天道昭明有生悉荷於甄陶
 無物不歸於案齋得法之後升入無形和上
 與太一合同自然

北方

臣等伏聞位鎮玄天掌世人不孝之罪職司翻海糾邪巫魘曲之愆凡伸飯嚮之誠必荷矜憐之賜今其本身獲慶適際康時幸忝廁於仙階得受持於大法比蒙師旨付受靈文深慮立身以來受法之後行符呪水未合聖機拍訣步置有非法則或修崇之怠惰或存念之踈遠戰汗梅躬不勝危惕復慮誤犯曝露日月星辰之罪有不敬天地父母之愆莫逃紀錄之公但切米湖之懼即日對三光而設誓列九祖以為盟肘步膝行飯依師實心濃望切願進真階顯揚清靜之風永奉玄元之教代天行化助國救民是用然燈燒香建壇行道修齋設醮脩聲飯依飲血飲丹告盟傳度飯命北方洞陰朔單五炁天君主雷水靈真君朔單鬱絕壹九天太一一切神仙和諸靈官伏願天慈廣大聖澤含洪消罪目於黑書上姓名於碧簡降神光於泉曲之府下雷將於霹靂之壇輔佐行持克符願金轟雷起雨應乎呼吸之間破廟除邪立在須臾之

頃魔精喪膽妖怪潛形有生皆賴於陶成無物不資於覆護得法之後升入無形和上與太一合同自然

中央

臣等伏聞位鎮黃神校法官之功過掌權崩烈糾將吏之愆尤凡伸飯嚮之誠必荷并包之賜今謹有進法弟子某宿承化育叨被真休幸脫累於塵囂或棲身於淨域荷蒙師旨付受靈文深慮立身以來受法之後行符呪水未合聖機拍訣步置有非法則或修崇之怠惰或存念之踈遠退省過尤不勝惶懼復慮悞犯汚踐綾羅之罪故違欺瞞丈尺之愆莫逃紀錄之公但切米湖之懼即日對三光而設誓列九祖以為盟肘步膝行飯依師實心濃望切願進真階顯揚清靜之風永奉玄元之教代天行化助國救民是用然燈燒香建壇行道修齋設醮脩聲飯依飲血飲丹告盟傳度飯命中央玄都洞元玉晨一炁天君十神太一真君太玄一炁威德霹靂白煞震靈真君九天採訪希夷丈人真君黃神烈露

臺九天太一一切神仙和諸靈官伏願天恩廣大聖澤涵洪釋罪目於黑書紀姓名於丹簡降神光於黃庭之府下雷將於霹靂之壇輔佐行持克符願金轟雷起雨應猶呼吸之間破廟除邪立在須臾之頃魔精伏匿妖魁潛形有生咸得其利宜庶物皆蒙其化育得法之後升入無形和上與太一合同自然

設醮儀

步虛 淨天地呪

各禮師存念如法

衛靈呪

羅天毒獸 備衛四門 張侯覆天 猛馬高奔 毒龍奮爪 金頭橫吞 威兵具萬 受符較仙 六天不均 拘合兇群 妖魘蟲魅 穢悉紛紛 歌謠空洞 亂音障雲 小鬼假形 當人生門 神王所告 無幽不聞 上攝六炁 下檢河源 五獄四瀆 善惡速分 千千萬萬 來到吾前 較錄五帝 有功者原 凶魔千真 束形帝君 敢有不從 所誅無獨 屠心割膽 斬首絕根 北斗湯黃 南陵火焚 金真掃炁 流鈴捕魂

妖莩無遺 殛死形元 身被天書 道行玉文
滌蕩九天 清明三元 玄靈舉真 上合自然
敢有干試 咸得上聞 和與道合具

鳴法鼓二十四通

无上三天玄元始三炁太上老君召出臣等
身中三五功曹左右官使者左右捧香驛龍
騎吏侍香金童傳言散花玉女五帝直符直
日香官各三十六人出出者嚴裝關啓玄壇
天帝神君當召此間土地里域真官正神急
上關啓臣今奉為入意今日關盟五帝立誓
三官善告十方遍開三界其諸情悃具載青
詞以今宣傳大法願得十方正真生炁流入
臣等身中令臣所啓速達徑御
至真無極大道三境帝尊昊天玉皇上帝

請稱法位

具位臣姓某與嗣法弟子合壇官眾等謹同
誠上啓

虛无自然元始天尊无極大道太上道君太
上老君混元上德皇帝昊天玉皇上帝上宮
天皇天帝紫微北極大帝后土皇地祇九天

生神上帝五方五老天君三十二天帝君上
清十一曜星君五方五斗主算記名落死上
生大魁星君天罡大聖三台華蓋星君二十
八宿星君列宿璇璣星君三天大法師九天
真字北極四聖真君諸院諸司主法真君歷

代傳法諸位祖師天曹諸司上聖水府諸司
真宰鄴都大帝扶桑大帝五嶽真君五嶽聖
帝名山福地洞宮海嶽掌執真仙雲雷雨部
伐惡威神法院治靖將吏威神城隍社今土
地祇靈與醮聖眾臣等伏聞道域恢張廣大
而包羅萬象真闢湛寂香冥而開闢二儀諒
有感而必通信無遠而弗屆今則焚香達信
邀周於三界十方叩齒集神通啓於千靈萬
聖希垂響應冀現威光排彩仗以飛空擁雲
車而輟霧聞茲奏請普賜降臨臣等駐目丹
霄馳神碧落虔誠再拜奏降高真恭望聖慈
俯垂降駕臣等謹稽首再拜奉迎聖駕

降聖

伏以九清上帝排玉輦以來臨十極高真備
羽儀而降鑒請循職位叙列仙班如玉京大

會之時若金闕越朝之日啟茲薄禮饗此純
誠稽首皈依虔誠再拜

上香 進茶酒 法事

重稱法位

具法位臣某與嗣法弟子同壇官眾等謹重
誠上啓

三清上聖十極天尊合座威靈列位聖眾臣
伏聞玉簡金科密秘長生之道清都絳闕深
藏要妙之文聖澤無窮真功有驗由是上清
大帝救玉策寶篇之隱書北極靈君演鳳策
雲章之妙檢垂靈符而救病布神將以宣威
制魔神於六天安庶民於萬宇上可致君救
國下可濟物利人凡居生聚之中率自照臨
之下臣等生逢盛世長過真闕叨被眷奉
傳經籙衍庇休之逾分審微賤之何堪昔遇
真師參傳大教雖香火而風夜匪懈慮操心
而去就幸逢賴正道之優容荷高真而慈恕
不錄涓埃之過無貽纖芥之殃况緣累劫之
軀未息多機之念謹有嗣法弟子某殫誠罄
志肅幣投詞列九祖以為盟對三官而設誓

請臣門下求受靈文至于傳度之辰如臣詣師之日指碧山而管流水裂黃卷以分金環來懇既勤理難抑絕特洎吉日恭展醮筵輒將先受之靈文以付今來之學者其諸丹悃具載青詞虔對高真謹當宣奏

宣詞

向來詞旨已具宣揚聖德無私必回昭鑒臣等謹重誠上啓

三天上帝四座高真臣聞蒼蒼者天動植出生成之下渺渺者道正邪歸陶冶之中信不約而行四時德無為而養萬物濟民之教唯惠是懷伏念弟子某萬化陶形一芻賦性荷父母生成之賜感乾坤覆載之仁濟人未有於陰功奉道宜無於陽過臣已察其言而觀其行視其面而知其心遵師之戒固亦難乎得人而興猶為善爾是敢虔遵仙格陳設醮庭控露凡襟冒于洪造仰瀆居高聽卑之德特垂度人接物之慈旬使弟子某領法之後道然真風潛扶左右靈官將吏率衛行藏其或四方治病水陸驅邪若口隨心如聲應響

仰于洪造曲賜昭彰弟子虔誠稽首再拜

亞獻法事

臣等謹重誠上啓

比極大帝法部真仙三洞靈官驅邪院吏一切聖衆不換再三之演真彈萬一之誠祈真造之昭昭納庸誠之荐荐伏念嗣法弟子某性猶樛散在莊周不取之材質本凡鷲匪伯樂回眸之驥自積塊盈之素宣勝望外之心師門有教物之仁天道無棄人之意於是精持信幣凝結丹衷投都天法主之庇請正一斬邪之法臣某不違前約當付後人赦臣漏慢之愆紀臣善功之籍然願弟子某與法有緣於師無數千烈將萬萬精兵去來速邇之間常相衛佑應奉公私之際悉遂扶持誅邪戮崇而無為不彰立獄治魁而有求斯應呼吸則鬼神畏伏行持而將吏奔馳上可以安鎮國家下可以保康民庶遇旱而禱雷霆霹靂而雨澤頒行當潦而祈雲霧掃開而日星昭揭飛符雷動行今風馳起虎豹伏龍蛇獸皆遠避蛟螭蟻活禽雜物亦需恩體大道

之好生得溥天之獲福不違初志誓竭丹誠伏望善善功於積累之餘赦愆咎於施為之後名列瓊都之品長侍天光位躋紫府之階永依道陰仰祈昭鑒式表傳揚

終獻法事

長跪出官如儀

謹出臣身中五體真官洞微洪濛大帝七元真官功曹吏出无上帝君六洞真官夜光玉女三十二人天騎甲卒三十二人无始无終无表无裏高車五色幢幡九光左右飛仙混沈使者領仙功曹受生真炁中黃使者玄真三天玄母聖帝生神浩浩二十六千真官元神洞明使者補腦君吏還魂返魄養生君吏青天君吏赤天君吏白天君吏黑天君吏道遙紫宮玉臺清真度世領仙功曹誅斬使者各九億萬人出日月遙通通命使者定智定慧通靈使者真一三皇真形使者科車赤符吏罡風騎置吏驛馬上章吏飛龍奏事吏各九億萬人出出者各衣青雕五色單表腰帶百合蹠踉之符金銅百鍊之劍頭戴通靈萬

品寶冠齊執玉版住立臣身左右羅列嚴整
 衣冠利刃兵仗建三毛金蓋之節也駐臣前
 後左右飛靈太一使者持幢在前右官攝德
 使者建節在後陽虎大神立左陰梁搖神立
 右狼吏虎賁金弱香嬰紕帶察奸勾騎與威
 僕射與青命羽衣使者天丁助悉力士各百
 億萬人出龍虎棒香使者皆悉上駐臣左右
 前後嚴裝顯服冠帶垂纓整定威儀安鎮上
 下直待直事各隨方鎮守營衛離庭祇迎仙
 駕臣謹稽首上啓

太上五靈五老北帝靈君七元真官內有吏
 兵當委土地監司主錄一切官僚臣幸因宿
 慶得遇師尊付授真科參傳正教授北極靈
 君之妙法傳南昌靈寶之玄文十太一佐助
 行持八天丁預知凶吉伏念臣下愚濁質瑣
 屑凡夫宿命因緣達道陰登壇之日度法
 之時約當後已先人扶危濟難今承來意不
 敢抑違既被懇誠合當宣剖伏冀臣身中功
 曹便者神兵將吏特為上達啓奏事畢各還
 身中復於宮室後有啓闢一如故事

唱法師敷揚教戒

法師轉案左次弟子再拜肘行膝步將誓
 狀詣師案前長跪師曰

元始天尊告太上老君曰善信弟子能發無
 上自然道意來入吾門精心奉道先當受吾

十戒及版符鐵券則為大道弟子補入仙職
 若勇猛精進與天齊功則可飛行太空諸天
 策駕見在世間可得免離煩惱度諸苦厄身
 有光明形內澄正召神役將制邪伏魔立功
 不倦即可飛昇若德行精進能不懈怠施惠
 陰陽拔苦濟貧慈惠厚持齋慕道晨少不
 替即可超凌三界得為上清真人矣

舉奉戒頌次祝戒云

- 天尊言第一戒者不得殺生祭祀六天魔鬼
- 第二戒者不得竊盜為非損他財物
- 第三戒者不得貪愛美色姪姪非法
- 第四戒者不得耽嗜酒葷恣嘍無度
- 第五戒者不得妄言綺語以為口過
- 第六戒者不得自恃高貴欺壓萬民
- 第七戒者不得輕師返道違味賢聖

第八戒者不得嗔恚四輩評論摠支持

法不得欺心窺求財利

第九戒者不得不依師旨妄傳非道之

人

第十戒者不得欺公罔私不合天心有

違正法之戒

受我十戒版符鐵券正法靈文皆須一心遵
 奉勿忘吾言每合天心常行大慈平等切須
 正直和柔應是萬民疾苦非橫逆遭見則救
 之不以貧富貴賤人畜蟲魚但以一心均濟
 寧守善而死不為惡而生如是修行不退乃
 得拔度五苦不歷三塗諸天擁護萬神敬禮
 地祇侍衛三界同迎七祖生天一身度世矣
 次師下坐讀符券畢過香三次連法誦誥
 牒一併授弟子弟子跪而佩之於左訖即
 再拜起同手把筆師曰
 上不負天中不負心下不負地上若負天日
 月不明中若負心風刀考身下若負地百草
 不生畫一為誓謹依教奉行
 呪畢同把筆畫合同內一字次分券次與

師交手連誥曰

修齋奉戒崇敬三寶尊道貴德惠及一切恪
守敕今寶祕靈文違盟負誓天殛神誅交手
連誥與真合同

舉還戒頌 次度兵 弟子跪

謹重敕臣身中三五功曹使者狼吏虎賁察
奸勾騎三官僕射天騶甲卒各十二人出上
清天丁力士六甲六丁十二神將八大金剛
八殺將軍三五赤陽君收炁食炁吏收神食
神吏收鬼食鬼吏收毒食毒吏收光食光吏
收精食精吏收邪食邪吏收猛食猛吏誅邪
破廟吏六十甲子功曹使者等各一百二十
人出同太一天章十大星帥飛翼雷公大將
軍闕伯大將軍欽火律令大神飛烈七十二
料風雲雷兩霹靂霜雹殺伐威神六府六
司雷帥雷將天兵將吏等並請嚴裝顯服各
執本色器械一時下降俱付嗣法弟子某人
身中隨逐左右營衛身形當令長生度世身
強體健所奏者達所請者下所驅者除所誅
者滅萬災不干百祥臻集一旦違盟並如

太一天章律令 下令 嘆水

次師畢科

臣聞道先覆載理叶布夷顯妙用於三無隱
元功於萬有影響既難於管測修營諒係於
階升今時弟子某陳英薈之誠薦顛藥之禮
秘科具載靈鑑是依對瑤席以飯投拜素牋
而寫懇如踴如踏瞻之仰之所冀妙應潛彰
凡名紀籍今則禮周三獻詞不重宣體茲翼
翼之心恕此重重之漬微臣盡瞻依之意弟
子資父視之恩燈火燼而玉磬停音香篆殘
而金科畢軸不敢延稽儀衛唯憂晚瀆真靈
鳳輦鸞返清清之霄漢龍車寶馬歸寂寂
之仙鄉水界真仙各回洞府冥陽主宰盡返
靈祠願垂返駕之恩普被蒼真之士仰瞻玉
輦已在丹霄臣等無任戀軒奉送仙駕

送聖頌 復爐

焚燎

道法會元卷之一百四十一

道法會元卷之一百四十二 西三

太一天章陽雷霹靂大法行進師

傳度檢式上

請法詞

請法弟子姓某貫屬某鄉即日投詞上干
師聽伏為某本命某年月日時生上屬
北斗某星君主照言念身居人品心慕
法階常存利濟之仁宜謹參傳之志今來謹
發真心對
天地日月星辰雷霆之下投請
度師某門下求受
太一天章陽雷霹靂大法罡訣印今轟雷起
雨玄妙靈文一宗請降
法中星帥雷將終身佩奉誓願代
天行化助
國救民普為四方祈晴禱雨霹靂伐兇惡淫廟
樹木興利除害闡教濟人得法之後須候行
持三年有功於民然後選擇賢良傳授如不
不候行持三年無功於民妄傳非道不德之
人泄露靈文怨道答師始勤終怠毫髮不依